

## **COVID-19 kapputik Kanimmasittâgekkutik Pannaigutinga ilingajumut Newfoundland ammalu Labrador**

Tâna pivalliatuujuk ammalu atuttaulia Kittitaujuk kamatsiagiamut ammalu atuni Katsialuni COVID-19 kapputimmut Kanimmasittâgekkutik suliangujuk atuni Katsiatuk tâpsumunga Newfoundland ammalu Labradorimi COVID-19 akigattuninganut. TâkKutigona tâna kapputimmut Kanimmasittâgekkutik suliangujuk, tâna ununnigijangit Kanimmajunut, ammalu tuKusimajunut, ânniasipvimejunut, ammalu tuKugajattut ikilliumilangajuk, pivitsaKattijumik Newfoundlandimiunik ammalu Labradorimiut utigunnagiamut piusigiKattajanginnut ullu tamât inosinginnut Kangivallialimmat. Tâvatualli, tâna COVID-19 kapputik Kanimmasittâgekkutik suliangujuk anginippânguvuk ammalu ajunnanippângutluni pivalliaulausimajumut tapvani prâvinsimi ammalu Canadami.

Tâna tugâgutigilluasianga Newfoundland ammalu Labradoriup COVID-19 kapputet Kanimmasittâgekkutik suliangujuk imailingavuk kapputigiamut ununnisaugajattunut inunnik pigunnatanginnik nâmmasiattumik ammalu uluginalugatik piusiKallutik, atautsikut pitâgiamut kinakkutuinnanik pigumagiamut iluani kapputimmut Kanimmasittâgekkutik suliangujumut.

kinakkutuinnai nâmmasiattumik ammalu malitsiatunik KaujigatsaKagialet pitjutiKajumut COVID-19 kapputiup pitangita âkKisautinginnik ikajutaugunnagiamut kapijaugumagajammangâmmik kajusiutiliugunnagiamut. Taimângungituk KaujigatsaKappata ilinganiKajumut COVID-19 siammasimajuk nanituinnak Kagitaujatigut ammalu kinakkutuinnanut tusagatsauKattajutigut tâkkutigona silatsuami siammasimajumut, ajunnaliaKittisitluni Inulimânut ânniasiutiligijiujunut nâmmasiattumik Kaujimattisitsiagunnagiamut kiggatuttilagijingit ammalu nâmmatunillu Kaujigatsanik nuititsigiamut kinakkutuinnanut. Tâna kavamak Newfoundland ammalu Labrador sulijugijautsiatuk Kaujigatsanik ilinganiKajumut COVID-19 kapputinnut pitagijangita âkKisautinginnut iluani Newfoundland ammalu Labradorimi.

Tainna Kagitaujanettut tautsetauKattaniattut Kau tamât nutât Kaujigatsait atuinnaunginnapata pitjutiKajunut COVID-19 kapputiup pitagijangit âkKisautinginnik. kamaKattalutit nutânik Kaujitsiutinik.

## **Pitâgillugit sulitsiatut Kaujitsiutet**

Tâna Pfizer-BioNTech COVID-19 kapputiup pitagijangita âkKisautinga angittausimajuk taikkununga Inositsiagittotitsigasuanumut Canadami ullungani Decembara 9, 2020 ammalu tâna Moderna COVID-19 kapputiup pitagijangita âkKisautinga angittauluttuk taikkununga Inositsiagittotitsigasuanumut Canadami ullungani Decembara 23, 2020. Kaujigatsatâgiallagiamut ilinganiKajumut kapputiup pitagijangita âkKisautinganik, takuniakKujauvusi tâpsuminga [Government of Canada's website](https://www.gov.nl.ca/covid-19/vaccine/).

### **Kanulli tâna Pfizer-BioNTech ammalu Moderna COVID-19 kapputiup pitagijangita âkKisautinga piKattajong?**

Tâna kapputiup pitagijangita âkKisautinga pikKutiKattajuk timinnik kangasotinginnik sanagiamut taijaujunut "spike proteins." Tâna spike proteins nalunaittautuinnavut aittunattumut sakKititsiKattajumik COVID-19. Akigattotigijait Kanimmasittâtailigiamut kiulangavuk taikkununga spike proteins sanatillugit akigasonik nungotsiniallutik Kanimmasiujumik. Nutâgijatit akigattotet siKulluiniattiluni taikkununga spike proteinsinik nungotsiKujilluni. Taikkua nutât akigattotet saputjauniattilutit Kanimmasimmik attutausimaguvit taipsumunga COVID-19 aittunattumik. Taina kapputiup pitagijangita âkKisautinga aittunattumik pitaKalungituk ammalu taimaimmat Kanimmasittâgunnangilatit COVID-19-namik.

Tâna Pfizer-BioNTech ammalu Moderna kapputiup pitagijangita âkKisautinga ottugattausimavuk angijunik ânniasiupvinik ottugattaugumatuinngiamut kamatsiagumatlutik malitsiagaluammangât malittaugiaKajunut, ammalu laisansitâtatusimajuk ammalu angittausimatluni taikkununga Inositsiagittotitsigasuanumut Canadami Canada.

### **Katsinik pitâgiaKaven kapputinnik pitagijangita AkKisautinginnik?**

Tâna Pfizer-BioNTech kapputiup pitagijangita âkKisautinga maggotuttaugialik aittutausimalluni 19-23 ullunik avittusimajunut ammalu taina Moderna kapputiup pitagijangita âkKisautinga magguguttaugiaKammijuk atausiattauluni takKimi. Maggonik kapijausimaligeguni wogigiallamik kapijaugiaKagajattut puttunippâmik paigijaugunnagiamut akigattugunnagiamut COVID-19-imik.

### **Sunait jârilet katingaKatigejut kapijaulangajon tâpsuminga kapputiup pitagijangita âkKisautinganik?**

Tâna Pfizer-BioNTech kapputiup pitagijangita âkKisautinga aittutausok taikkununga 16-nanik jârilinnut ammalu jârikkutunitsanut ammalu taina Moderna kapputiup

pitagijangita âkKisautinga aittausok taikkununga 18-nanik jârilinnut ammalu jârikkutunitsanut. PitaKatsiangimut kapputiup pitagijangita âkKisautinganik pigianningani 2021, nalunaittausimajut jârilet katingaKatigejut sivulliutitaulâttut. Kapijaugunnamangâppit, aigajakKusi takuniallugu [Priority Groups](#).

## **Sunauvat sakKigajattut timinnut nâmmagijaungitunut kapputimmit pitagijangita âkKisautinganit?**

Taikkutituna ejanik upvalu âkKisegutiKajunut (ilautillugit nukisautet), kapputiup pitagijangita âkKisautinganik sakKititsisongummijut timinnut piutsangitunut.

kapijaugesimaligavit, nigjunavuk angijongitumik ammalu ânninatongitumik timet akigattugajattuk piugingitamminik ilautigillugit:

### **Pfizer-BioNTech**

- Ânnialuni kapipvigisimajannik
- mingutuk
- niakKigik
- nukiligik
- Kiujâllak
- nakkualigik
- onatsik
- angilligajattut Kinitlitit ittingit

### **Moderna kapputiup pitagijangita âkKisautinganik**

- ânnialuni kapipvigisimajannik
- mingutuk
- niakKigik
- nukkiligik ammalu Kilujik
- Kiujâllak
- nakkualigik
- onatsik
- Angilligiagajattut Kinitlitit ittingit
- Pulligajattut upvalu aupalutsilutik kapipvigisimajait
- Migianguk ammalu/upvalu migiatigik

Atjingingitanginnik timet piungilukappat kapijaugesimakkâtillutit ikKanattumagiuvuk Kaujitsigiamut ânniasiutiligijinnik upvalu nunalimmi apvitattet ânniasiutiligijingita suliaKapvinik.

### **Kinakkut kapijaujutsauvân pitalimmik âkKisiutimmik?**

Annait pitsalet, amâmattisijut upvalu pitsatâniakKotut Kaujitsigialet ânniasiutiligijinnik. Apviatauppat Kanimmasittâtailigekkutit, Kanimmasittâtailigekkutet taimângungituk aullapat, aunnânginnaKattaguvit, ammalu/upvalu atuKattaguvit aunnut silinnisigekkutinnik ejanik, KaujitsiKujauvutit ânniasiutiligijinnik sivungagut kapijaukKânak.

### **Pfizer-BioNTech kapputiup pitagijangita âkKisautinganik**

Tâna Pfizer-BioNTech kapputiup pitagijangita âkKisautinga imailingavuk **kapijaugiaKagajangitut** ulugianattogajammat kinatuinnamut:

- piusiKasimaguni sunatuinnanik timinga piutsangipat sivungagut kapijausimakkâtilluni
- takugatsaujumik tapvainak upvalu timinga attutausagaisonguppat sunatuinnanut kapijausimajunut upvalu pitagijangit ([Product Monograph Pfizer-BioNTech COVID-19 Vaccine](#))

Onattoguvit, Kanimaguvit Kanimmasimmit COVID-19 nalunaigutiKaguvit, upvalu kapijausimaguvit 14-nanait ullunik Kângisimajunik (ilautillugit Kanimmasittâtailigiamut kapputinganik), utakkigiaKavutit kapputittâtailigiamut pitaKajunik âkKisautiKajumik. Nalunnaigutet nungusimalippata ammalu Kângisimalippat 14-nait ullunik kingullimit kapijausimannigijannik, kajusiutiKagajakKutit kapijaugiamut.

### **Moderna kapputinga âkKisautilik**

Tâna Moderna kapputinga kapijautitsigunnangilak kinakkutuinnanik:

- Attutausagaisunut Kittaingannimik pinianniKajunut sunataKanningit upvalu pitaKappat iluanettunik ([Product Monograph for Moderna COVID-19 vaccine](#)).

Isumagijaugialet nukKangattisigiamut kapijaugiamut kinakkutuinnanut Kanimmasilinnut upvalu Kanimmasittâsagaisunut. Kinakkutuinnait Kanimmasilik taijamik upvalu Kanimmasittâsagaisok kapijaugialet taipvanaugasuattumik âkKisiasimaliguni.

### **Sivulliutitaugialet katingaKatigejut**

Kapijaugutitsait ilonnainut inulimânut tikilulângitut atautsikut. Kapijaugutitsait pitagijangit nigiugijauvut ikittolâttut pigiannimi COVID-19 Kanimmasittâtailigekutiup suliangujumut. Taimaimmat, pivalliaugiaKavuk kapijautitsigalagiamut, pigiannimi taikkua ulugianameluattut pigiasiviutautillugit attutausagaigajakKotunut COVID-19-namut, taikkua pimmagittumik uKumaittukoluagajakKotunut Kanimmasittâgiamut COVID-19 -namik, ammalu taikkua pimmagittitauvut tigumiagiamut prâvinsikkut silatsuami kiugianginnut.

## Pivalliautajut Sivullipânga

Tainna sivullipât aullatitajut COVID-19 kapputet pitaKajunut âkKisautinik tikisimalittut, ammalu aullatitauliaKilâlittut kajusiutigijauvut 2020 tikijumut 2021. Tamakkua ilautitautillugit kapputet pitaKajunut âkKisiutinik pisimajumit Pfizer-BioNTech, ammalu Moderna.

Tigumiagasuagiamut pikKujalianik pisimajumit Nunatsualimâmi UKautjigijajet katimajinginnut ilinganiKajunut Kanimmasittâtailigiamut (NUK), tâna sivullimi pitagijangit ilinganiKajumut COVID-19 kapputet iluani Newfoundland ammalu Labrador sivulliutitaulangavut taikkununga katingaKatigejunut:

- **katingaKatigeKattajut iniKatlutik inutuKannut;**
- **ânniasiuutiligijet suliaKattet** ulugianaluattumejut attutaugiamut Kanimmasimmut COVID-19, ammalu taikkununga ilauluaKattajut silatsuami siammasimajunut kamaluaKattajut;
- **JârikKutulualiaKijut;** ammalu
- **Inummaret aiviuttausiagunnangitunut NunaKakKâsimajut nunagijangit.**

Iluani Pivalliautajumut Pigianningani, malittigetsialutik Kâganettunut katingaKatigejut immigolingajumik âkKisuttaulâttut, ilautillugit iniggautiKatsianginingit, piulimapvet ammalu kamagijaugiaKajunut sulijagijauvut, ammalu atuinnauningit kapputet pitaKajunut âkKisautinik. Ilonait piggautigijaulangavut sivulliutigasuagiangit Kanimmasittâtailittâgiamut immigolingajumut sivulliutitautillugit katingaKatigejunut, atautsikut asikkitailigiamut. Tâvatualli, maligatsaKammata piulimajautsiagiaKanningit sulii amiaKappat pijagesimakKâtillugit piluattumik inigijauvumut. Napvâgiallagajangipata kapputitsanik, sakKittitaungâgajattut immigolingajumut sivulliutitaugiaKajunut malittauKâlluni Pivalliautajumut Sivullipângani.

**katingaKatigejut iniKatlutik inutuKait** ilautitsivuk ilonnait **inilet, suliaKattet ammalu niuggulagigiale** ittuKautinni, immigut paigijauKattagiale aniggagijauvut, nunalimmi paigijauKattajut anigganginni, ammalu ikajuttauKattagiale iniKajunut illualuni. NiuggulagiKattagiale isumagijauvut, paitsiKattajumut iligenut, puttunippânguttitaugiale taikkununga nunalinnut paitsiKattajumut ammalu isumakkut Kanuikkunagit, ilautitsivuk ikajuttauKattagiale nigigiamut, aulagunnagiamut, upvalu immigut paigijauKattajumut, KaumaKatigennikut ikajuttauKattagiale, ammalu ikajuttauKattagialeKammijut asiKangitunik isumakkut piusigiKattajangit malunnaigutinnik.

**Ânniasiutiligijet suliaKattinigit** ilautitsivuk ilonnait suliaKattet akuni kamagijaugiaKaKattajunut, ittuKautinnejut, anigganginni paitsigiattuKattajut, ammalu nunalimmit ilautitsijumik aniggani suliaKattiuKattajut paitsigiattuKattajut. Iluani Pivalliatuajumut Sivullipângani, Kanimmasittâtailigiamut sivulliutitaulangavut taikkununga ânniasiutiliginijujut mânnaluatsiak nalunaittajuunut iluani puttunippâmik uluginattumejunut iniKaKattajunut ammalu taikkua atuniKatsiatut kajusiutigijaujumut COVID-19 kiuKattajunut. Tamanna ilautitsivuk suliaKattet ukunani suliaKaKattajunut:

1. COVID-19 ottugapvet ammalu KimiggutauKattajunut;
2. Tuavittumik suliaKapvet ammalu napvâKattajunut nutaganik illugusinginni (kamapvet illugusingit);
3. COVID-19 Kanimmasittâtailigiamut suliangujut;
4. COVID-19 inigijangit; ammalu
5. Pimmagittumik paigijauKattagialet inigijaujunut.

Tamanna malittigejut kapputet pitaKajunut âkKisautinik taikkununga ânniasiutiliginijujunut asiangugajattuk tâna COVID-19 ejaligijet ammalu kapputet suliaigijauKattagialet iluani Newfoundland ammalu Labradorimi asianguvallianingani.

**JârikKutujualiaKijut** ilautitsivuk taikkua jârilet 85-imik ammalu jârikKutunitsait.

**Aiviuttausiagunnangitut ammalu/upvalu NunaKakKâsimajuit**

**nunagijangit** ilautitsivuk First Nations ammalu Inuit nunagijangit iluani prâvinsimi taikkunani Kanimmasik siammalukagajanninga pitaKatsiangimut inositsiagittotitsigasuanimut tungavigijangit ammalu piusigijangit apomautigijaugajakKotunut ottugagiamut Kaningitogalagiamut asigijannit ammalu asigiallanik Kanimmasittâtailigasuaniamut ammalu aulatsisiagasuaniamut atuttaugajattut. Aiviuttausiagunnangitut nalunaitsivuk nunagijangit inet nunalet iniKammata ungatâni 350 kilometres inigijaujunut Kanittonitsamut kiggatotipvigijauKattajunut jâri nâtlugu akKutikkosonut ilonnainik silagijauKattajunut. Aiviuttausiagunnangitut Kaningitojut tukiKavuk nunagijangita iningani tingijokkut kisiani ammalu piujunik phonninik kiggatotilet, tâvatuak jâri nâtlugu akKutiKaKattangitut. Aiviuttausiagunnangitut ammalu Kaningitojut tukiKavuk nunagata ininga pitaKangitunut tingijokkogunnagiamut jâri nâtlugu ilonnainik silagijauKattajunut piusigijangit, ammalu phonniKatsialugatik nâautikkut kiggatotiKatsiangitunut.

Mânnaluatsiak, kapputet kisiani atuttaulangavut inummarinnut jârilinnut 16-nanik jârikkutunitsanullu ilinganiKajumut Pfizer-BioNTech kapputinnganik ammalu inummarinnut jâriKajunut 18-nanik ammalu jârikKutunitsanut ilinganiKajumut Moderna kapputinganut. Suguset ammalu inosuttut jârikinnisait 16-nanik pitâsongulâttut Kanimmasittâtailikkutigitotsanganik malittiluni ilagiallugit silatsuami kapputik ottugattausimakkâtilluni takutitsijumik tainna kapputik Kanuingimangât sivulli taikkununga jâriKajunut.

## TUKIGIJANGA

Iluani Newfoundland ammalu Labradorimi, tâna anginippâk ulugianattuk ilinganiKajumut pimmagittumik COVID-19 siammagajanninga katingaKatigeKattajunut ininginni inutuKannut (ittuKautinni, immigut paigijauKattajunut anigganginni, nunalinni paivipvini, ammalu ikajuttauKattagialinnut inogiamut ininginni), ânniasupvini, ammalu upvalu aiviuttausiagunnangitunut upvalu Kaningitumejunut NunaKakKâsimajut nunalinni pitaKatsiangitunut ânniasupvini tungavigijanginni.

Tamannausimagaluattilugu Newfoundland ammalu Labrador ikittunik numaranik pitaKagaluatluni KanimmasiKajunut katingaKatigeKattajunut inutuKannut ullumimut, takusimavugut nanituinnak nunatsuatinni attuisiagajattuk taikkunani iniujunut, takusonguniattiluta unuttumaginnik tuKugagajattunut. Ammalugiallak, iniKajut taikkunani iniujunut jârikkutuluajunut amau pusiKasongutillugit Kanimmasimik anginitsamik pimmagittumillu ulugianattumeluasot ammalu tuKullutillu Kanimmasimmit COVID-19-namit. IniKajut, suliaKattet ammalu pimmagittumik niugguKattajut sivulliutitaugialet pigiannimi pitâmmata COVID-19 kapputinginnik siammatailitsigiamut ammalu pimmagittumik sakKigajakKotunut taikkunani inigijaujunut, ammalu uKilliumittigasuallugit ânniasiutiliginimmut piusigijanginni.

Ânniasiutiligijet SuliaKattingit sivulliutitaugialet suliaKanginnaKullugit suKusikkunagu, piumakKulugit ânniasiugunnagiamut, ammalu siammatitsitailigiamut Kanimmasimik COVID-19 aittunattunik iluani ânniasupvini. Taikkua suliaKattet sivulliutitaugialet kapijaugiamut pigiannimi kapputet tunijaulippata taikkua atutauluakKâgajammata kinatuinnamik KanimmasikKakKotumik COVID-19-namik ammalu aittuiniangimut uluginaluattumejunut immigolingajunut, upvalu tigumiatsiaKullugit malittaugiaKajunut prâvinsimi COVID-19 kiugunnagiamut, sollu taikku kapputinik aittuijunut COVID-19 ottugattauKattajunut ammalu sakKititsijunut COVID-19 Kanimmasittâtailigiamut. Asigiallait ânniasiutiligijet sivulliutitaulangavut unualuat kapputet atuinnautilaulippata.

Aiviuttausiagunnangitut upvalu Kaningitumejut NunaKakKâsimajut nunalet, ilautitsijumik First Nations ammalu Inuit nunagijangit, pitâgajangitut nâmmasiattumik kamagijaugunnagiamut ânniasupvinik siammalukagajappat COVID-19. Tamannaugaluatlunillu aiviuttausiagunnangitut ilangit NunaKakKâsimajut nunangit kitakuluk paigijaugaluatlutik aittunattutâgiamut aittuigiamullonet, inulimât piusigijangit sollu ninniuKattajunut ammalu sakKijânginnatut inosinnut piusigijangit siammalukajuKagajappat angiluatlagajattuk. Newfoundland ammalu Labradorimi KanimmasijuKangilak aiviuttausiagunnangitunut upvalu Kaningitojunut NunaKakKâsimajut nunagijanginni ullumimut, ammalu taimâk tigumiagasuagialivut. Kajusiutigijaujut ilinganiKajunut Kanimmasittâtailigiamut iluani NunaKakKâsimajut nunagijangini suliaigijaulangavuk ikajuttigetillugit taikkuninga NunaKakKâsimajut sivukkatigijangit.



## **Pivalliajuk kingulliani**

Ilagiallugit sivulliutitaugialet katingaKatigejut nalunaittaulâkKut kapijaugiamut taikkua immigolingajut Kânganettut katingaKatigejut kapijausimakKâtillugit ammalu pitâgiallappata kapputinnik atuinnaulippatallu. Tigumiagiamut pikKujalianik pisimajumit NUKK, tamakkua ilautitsivuk:

- Ânniasiutiligijet SuliaKattingit ilautitaulungitut iluani Pivalliajumut Sivullipânganik;
- IniKajut ammalu suliaKattet ilonnainik asinginnilu katingaKatigeKattajunut inilet; ammalu
- AtuniKatsiamagittut suliaKattet.

Tamakkua ininginnejut tukitâttaulualâttut Kaujimajautsialippat pitjutigilugu sakKigajakKotunut COVID-19 kappijausimagettunut atuinnaulâttumut Pivalliataujumut kingulliani, ilautitsigiamut Katsinik kapijaujuKagiaKammangât, numaragijangit ammalu Kangatsiak kapputet atuinnaulâmmangâmmik, ammalu piulimapvet ammalu kamagijaugialinginnik.

## **Pivalliatauninga Pingajua**

Ununningit immigolingajut ulugianaluttumejut sivulliutitaugialet katingaKatigejut kapijausimaligemmata, tainna kapputik pitaKajumik âkKisautimik sakKititaulâttuk ilonnainut kinalimânut. Nigiuvut nâmmatumik pitaKalânninginnik kapputinnik pitaKajunik âkKisautinik atuinnaulânninganik ilonnainut Canadami ukiatsângukKâtinnagut 2021.



## **kapputiup pitanga âkKisautilik Aulataunninga**

Pigiannimik, tâna COVID-19 Kanimmasittâtailigiamut suliangujuk sakKititaulâttuk taikkununga apivitattijunut paitijiujunut ikajuttautillugit iKittainikkut paitsijiujunut Kanimmasittâtailikkulugut ânniasiutiligijet suliaKattinginnut.

Pigiasitainnalippata [Pivalliatujuk Sivullimi](#), sivulliutitaulangavut ânniasiutiligijet suliaKattingit ammalu suliaKattinut katingaKatigeKattajunut iniKajunut inutuKannut sivullimi Kanimmasittâtailigiamut kapijaulâttut tunitsigiallaKâgatik. Asigiallait sivulliutitaugialet katingaKatigejut kapijauniattilugit âkKisuttausimaligepata pivitsatâkKulugit.

Ânniasiutiligijet suliaKattingit pitâttitaulâttut Kaujigatsanik Kanuk Kanimmasittâtailigunnagiamut taikkutigona nunakKatigengitugijammi ânniasiutiliginimmut pitsatuniKajunut.

## **kapputiup pitanga âkKisautilik kamatsiagiamut**

Tâna pivallianinga COVID-19 kapputet pitanga âkKisautilik pivalliajuk tapvainak tamannauluattuk pitjutiluviniKatluni, ilautillugit: sivuppianingit Kaujisattilagimmut ammalu nutângulittut; silatsuami ikajuttigegjunut akungani Kaujisattilagijet, ânniasiunnimut ilisimallagijunut, Kaujisattet, suliaKapvilagijet ammalu kavamait; ammalu akittusimammata najuttiKatsiatut kenaujatsait. Tâvatualli, Kanuittusuatuinnak kapputik pitanga âkKisautik atuttaujut Candami angittausimagialik taikkununga Inositsiagittotitsigasuanimut Canadami taikkutigona pimmagittukut maligatsaKatsialuni piusigijauKattajutigit. Tainnasainak Kimiggutaujuk ilijaugivut ilonnainut kapputitiluttauKattajunut pitaKajunut âkKisautinik.

COVID-19 kapputiup pitanga âkKisautilik kisiani atuttaulangavuk iluani Newfoundland ammalu Labradorimi angittausimatuaguni Inositsiagittotitsigasuanimut Canadami, ammalu takutitsipat Kanuilugaitk, atuniKatsianingit, ammalu piujotlutillu amalu takutitsijut ikajotiKanninganik atugunnagiangit uKinnisauppat ulunanninga. Kaujigiallagiamut ilinganiKajumut Inositsiagittotitsigasuanimut Canadami Kimiggusimajanginnik piusigijausimajumut ilinganiKajumut COVID-19 kapputet pitanga âkKisautinginnik, aigajakKusi takuniallugu tâna [Government of Canada's website](#).

Kapputiup pitanga âkKisautinga kamagijaunginnatuk angittausimakkâtillugit Kanuilugani ammalu atuniKatsiatluni. Ejaligijet kampanet, ânniasiutiligijet ammalu Inositsiagittotitsigasuanimut Canadami ilauKatauvut kamagijaulimmat piusigijausimajunut. Inositsiagittotitsigasuanimut Canadami ammalu Apvitattet Inositsiagittotitsigasuanimut katutjiKatigegiallana Canadami pinianniKalangavut Kanutuinnak uKumaitsaliaKippata ilinganiKajumut kapputiup pitanga âkKisautinganik. Kapputiup pitanga âkKisautinga kamagijausongummijuk taimâk akuniugasuattumik atuttaulinninganut.

## ApigijauluaKattajut Apitsotet

### Sunait COVID kapputiup pitanga âkKisautilik mânnaluatsiak atuinnauvat Canadami?

Mânnaluatsiak, maggonik kapputiKavuk pitaKajunik âkKisautinik atuinnaujunut atuttausonik Canadami. Inositsiagittotitsigasuannimut Canadami pitsatuniKattisijuk Pfizer-BioNTech's COVID-19 kapputiup pitanga âkKisautinganik ullungani Decembara 9, 2020 ammalu tainna Moderna kapputinga pitalik âkKisautimik ullungani Decembara 23, 2020. Kaujigatsatâgiallagiamut tâpsuminga kapputimmik, aigajakKusi omunga tâna [Government of Canada's website](https://www.gov.nl.ca/covid-19/vaccine/).

### Kanga COVID kapputiup pitanga âkKisautinga atuinnaulâttong?

Tâna sivullipâk aullatitaulâttut kapputet tikisimallutik Decembara 2020. Kapputiup pitagijangit unuttonialungitut sivullimi sitamait takKi tamât jâringani 2021 ammalu sanipvataulangavut taikkununga nalunaittausimajunut iluani Newfoundland ammalu Labrador-imi [sivulliutitaugiaKajunut katingaKatigejut](#). Unuluat inuit pitâsongutillugit kapputimmik atuinnaulualippata Kangatuinnak 2021-imi.

### Nani COVID kapputet pitalinnik âkKisuitinnik atuinnaulâttong?

Kaujigatsait ilinganiKajumut sivulliutitaugiaKajunut katingaKatigejut ammalu initsangit kapijaugiamut Kaujigatsaliuttaulâttut Kaujigatsatâgiallalippata ammalu atuinnaulippata. Aikkujauvusi tâna [COVID vaccine website](#) Kaujigiallagiamut nutângunitsanik Kaujigatsanut.

### Kinakkut kapijausongulâttong COVID kapputiup pitanga âkKisatiKajunut?

Taimanganit kapputiup pitanga âkKisautinga unuttonialungitut pigiannimi 2021, tâna prânvisikkut kavamanga akKisuiKattaniakKut [sivulliutitaugiaKajunut kinakkut kapijaukkâlâmmangâmmik](#). Nigiuvut unuluat kapputet atuinnaulânneninginnik Kangatuinnak 2021-imi ammalu kapijausongutillugit taikkua kapijausongujut aujami 2021-imi. ikKaumakKujauvusi malitsiagiaKavusi apvitattet ânniasiuutiligijinginnik Kaningitogasuallusi asigijannit, atullusi kinammiutanik, upvalugi aggatet, ammalu aniggamellutit Kanimaguvit kapijausimagaluatlutillonet.

### Tainna COVID kapputiup pitanga âkKisautilik Kanuingitong?

COVID-19 kapputiup pitanga âkKisautilik kisiani atuttaulangavuk iluani Newfoundland ammalu Labradorimi angittausimatuaguni taikkununga Inositsiagittotitsigasuannimut Canadami, ammalu takutisipat Kanuilugani, atuniKatsiatuaguni, piujopat ammalu takutitsipat ikajotiKanninganik atuttaugunnagiamut anginitsaupat ulugiananninga. Kaujigiallagiamut Kaujigatsanik ilinganiKajumut Inositsiagittotitsigasuannimut Canadami Kimiggusimajangita piusinginnik ilinganiKajumut COVID-19 kapputiup pitanga âkKisautinginnik, takuniakKujauvusi [Government of Canada's website](https://www.gov.nl.ca/covid-19/vaccine/).

## **Nâmmatunik pitaKalangavâ kapputiup pitanga âkKisautinginnik ilonnait pitâsongukkulugit?**

PivitsaKatsiagialet ammalu pitagijangit unuttonialungitut pigiannimi 2021. Ilonnait kapijaulugatik tapvainak, tâvatuak kapputet sulikajusiutigijaulangavuk jâringani unuluat kapputet atuinnaKâttilugit. Nigiuvut nâmmatunik kapputiKalânninganik ilonnainut kapijausonut aujaukKâtinnagu 2021.

## **AnnigususongulâkKinga nallianik kapputittâgajammangâmma?**

kapputiup pitanga âkKisautingit unuttulângitut pigiannimi 2021, taimaimmat pivitsait angijolulângitut annigusugunnagiamut. kapputet pitanga âkKisautinginnik kapijaukKujauvusi, tâvatuak pigumangituagutsi pingikaluagutsi. kapijaungikaluaguvit pigumangikuvit.

## **kinatuinnak kapijaujuk, sulikatuKattagialen kinammiutamik matunganik?**

Ahk, sanavallianiammat akigattugiamut ammalu ilonnait kapijaulângimata atautsikut, sulikamatsiagiaKavugut atulluta kinammiutanik, Kaningitogasualluta asittinit, upvaKattalugit aggatit ammalu aniggamellutit Kanimaguvit.

## **Kanga inulimânut Inositsiagitotitsigasuanimut kamatsiagiamut pejaulâttong?**

Tâna pejaunitsanga kinakkutuinnanut inosiKatsiagiamut atuttaujut takutsaulâttuk najuttiKallunillu sakKijunut sollu kapputet pitangita âkKisautingit akigijangit, atuniKatsianinga COVID-19 âkKisautingit ammalu ejaligijet Kanimmasinnut prâvinsimi, nunatsuami ammalu silatsuami. Apvitattet kamatsiagiamut malittaugialet, sollu atulluni kenammiutanik matunik, KaningitogasuaKattagiamut asinnit, upvaKattalugit aggatit ammalu aniggamellutit Kanimaguvit suliatuttaugialet kinakkutuinnanut uKasinnasinnapata kisiani asiagut Apvitattet Inositsiagitotitsigasuanimut uKasinnapata.